

摘藻堂四庫全書薈要

史部

欽定四庫全書薈要

史部
山海經卷一至三

臣紀昀詳校
詳校官編修臣繆晉



欽定四庫全書蒼要

山海經原序

世之覽山海經者皆以其閎誕迂誇多竒怪俶儻之言
莫不疑焉嘗試論之曰莊生有云人之所知莫若其所
不知吾於山海經見之矣夫以宇宙之寥廓羣生之紛
紜陰陽之煦蒸萬殊之區分精氣渾淆自相瀆薄遊魂
靈怪觸像而構流形於山川麗狀於木石者惡可勝言
乎然則總其所以乖鼓之於一響成其所以變混之於

一象世之所謂異未知其所以異世之所謂不異未知其所以不異何者物不自異待我而後異異果在我非物異也故胡人見布而疑麋越人見罽而駭毳夫翫所習見而竒所希聞此人情之常蔽也今略舉可以明之者陽火出於冰水陰鼠生於炎山而俗之論者莫之或怪及談山海經所載而咸怪之是不怪所可怪而怪所不可怪也不怪所可怪則幾於無怪矣怪所不可怪則未始有可怪也夫能然所不可不可所不可然則理無

不然矣案汲郡竹書及穆天子傳穆王西征見西王母
執璧帛之好獻綿組之屬穆王享王母於瑤池之上賦
詩往來辭義可觀遂襲崑崙之丘遊軒轅之宮眺鍾山
之嶺玩帝者之寶勒石王母之山紀跡玄圃之上乃取
其嘉木豔草奇鳥怪獸玉石珍珠之器金膏銀燭之寶
歸而殖養之於中國穆王駕八駿之乘右服盜驪左騂
騶耳造父為御犇戎為右萬里長騫以周歷四荒名山
大川靡不登濟東升大人之堂西燕王母之廬南轢龜

鼉之梁北躡積羽之衢窮歡極娛然後旋歸案史記說
穆王得盜驪騶耳驂馱之驥使造父御之以西巡狩見
西王母樂而忘歸亦與竹書同左傳曰穆王欲肆其心
使天下皆有車轍馬跡焉竹書所載則是其事也而譙
周之徒足為通識瑰儒而雅不平此驗之史考以著其
妄司馬遷叙大宛傳亦云自張騫使大夏之後窮河源
惡覩所謂崑崙者乎至禹本紀山海經所有怪物余不
敢言也不亦悲乎若竹書不潛出於千載以作徵於今

日者則山海之言其幾乎廢矣若乃東方生曉畢方之
名劉子政辨盜械之尸王頎訪兩面之客海民獲長臂
之衣精驗潛效絕代懸符於戲羣惑者其可以少寤乎
是故聖皇原化以極變象物以應怪鑒無滯蹟曲盡幽
情神焉度哉神焉度哉蓋此書跨世七代歷載三千雖
暫顯於漢而尋亦寢廢其山川名號所在多有舛謬與
今不同師訓莫傳遂將湮泯道之所存俗之所喪悲夫
余有懼焉故為之創傳疏其壅闕闢其第蕪領其玄致

標其洞涉庶幾令逸文不墜於世奇言不絕於今夏后
之迹靡刊於將來八荒之事有聞於後裔不亦可乎夫
翳蒼之翔叵以論垂天之凌蹄涔之遊無以知絳虬之
騰鈞天之庭豈伶人之所躡無航之津豈蒼兕之所涉
非天下之至通難與言山海之義矣嗚呼達觀博物之
客其鑒之哉記室參軍郭璞撰

侍中奉車都尉光祿大夫臣秀領校秘書言校秘書太常屬臣望所校山海經凡三十二篇今定為一十八篇已定山海經者出于唐虞之際昔洪水洋溢漫行中國民人失據崎嶇於丘陵巢於樹木鯀既無功而帝堯使禹繼之禹乘四載隨山刊木定高山大川蓋與伯翳主驅禽獸命山川類草木別水土四嶽佐之以周四方分人跡之所希至及舟輿之所罕到內別五方之山外分八方之海紀其珍寶奇物異方之所生水土草木禽獸

昆蟲麟鳳之所止禎祥之所隱及四海之外絕域之國
野類不乏禹別九州任土作貢而益等類物善惡著山
海經皆聖賢之遺事古文之著明者也其事質明有信
孝武皇帝時常有獻異鳥者食之百物所不肯食東方
朔見之言其鳥名又言其所當食如朔言問朔何以知
之即山海經所出也孝宣皇帝時擊磻石於上郡陷得
石室其中有反縛盜械人時臣秀父向為諫議大夫言
此貳負之臣也詔問何以知之亦以山海經對其文曰

貳負殺窆窳帝乃梏之䟽屬之山桎其右足反縛兩手
帝大驚朝士由是多奇山海經者文學大儒皆讀學以
為奇可以考禎祥變怪之物見遠國異人之謠俗故易
曰言天下之至賾而不可亂也博物之君子其可不惑
焉臣秀昧死謹上

欽定四庫全書叢要

山海經目錄

卷一

南山經

卷二

西山經

卷三

北山經

卷四

東山經

卷五

中山經

卷六

海外南經

卷七

海外西經

卷八

海外北經

卷九

海外東經

卷十

海內南經

卷十一

海內西經

卷十二

海內北經

卷十三

海內東經

卷十四

大荒東經

卷十五

大荒南經

卷十六

大荒西經

卷十七

大荒北經

卷十八

海內經

臣等謹案山海經十八卷晉郭璞註山海經
之名始見史記大宛傳司馬遷但云所言怪

物余不敢道而未言為何人作列子稱大禹
行而見之伯益知而名之夷堅聞而志之似
乎即指是書而不言其名山海經隋書經籍
志云蕭何得秦圖書後又得山海經相傳夏
禹所記而劉秀校上山海經奏直斷以為伯
益作趙煜吳越春秋所說亦同疑皆因列子
附會也書中明載夏后啟周文王及秦漢長
沙象郡餘暨下舊諸地名斷不作於三代以

上朱子謂出於楚詞之後所記乃附會楚詞
非楚詞用山海經得其實矣隋唐二志皆云
郭璞註山海經二十三卷今本乃少五卷疑
後人併其卷帙以就劉秀奏中一十八篇之
數非缺佚也隋書志又有郭璞山海經圖贊
二卷今其贊猶載璞集中其圖則宋志已不
著錄知久佚矣舊本載劉秀奏所言一十八
篇與漢志稱十三篇不合七畧即劉歆所定

不應自相抵牾且歆於王莽時始更名秀此亦不應題所改之名疑其贋託然璞序已引其文相傳既久今仍併錄焉乾隆四十一年七月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書薈要卷七千五百九十四

史部

山海經卷一

晉 郭璞 註

南山經

南山經之首曰雒山其首曰招搖之山臨于西海之上

在蜀伏山山南之

多桂

桂葉似枇杷長二尺餘廣數寸味辛白花叢生山峯冬夏常青

西頭濱西海也

閩無雜木吕氏春

多金玉有草焉其狀如韭

藥曰韭音九爾雅云

秋曰招搖之桂

霍山亦

而青花其名曰祝餘

或作桂茶

食之不飢有木焉其

多之

狀如穀而黑理

穀楮也皮作紙璫曰穀亦名構名穀者以其實如穀也

其花四照

言有光蹠也若木華赤其光照地亦此類也見離騷經

其名曰迷穀佩之不迷有

獸焉其狀如禺而白耳

禺似獼猴而大赤目長尾今江南山中多有說者不了此物名

禺作牛字圖亦作牛形或作猴皆失之也禺字音遇

伏行人走其名曰狴狴食之

善走

狴狴禺獸狀如猿伏行交足亦此類也見京房易

麗磨之水出焉

磨音作几而

西流注于海其中多育沛

未詳

佩之無瘕疾

瘕蟲病也

又東三百里曰堂

一作常

庭之山多棧木

棧別名連其子似柰而赤可食

音多白猿

今猿似獼猴而大臂脚長便捷色有黑有黃鳴其聲哀

多水玉

水玉今水晶也

相如上林賦曰水玉磊砢
赤松子所服見列仙傳
多黃金

又東三百八十里曰獫狁之山其中多怪獸水多怪魚

凡謂怪者皆言貌狀怪奇不常也尸子曰徐偃王好
怪沒深水而得怪魚入深山而得怪獸者多列於庭多

白玉多蝮虫

蝮虫色如綬文鼻上有針大者
百餘斤一名反鼻虫古虺字

多怪蛇多

怪木不可以上

又東三百七十里曰柎陽之山

音紐

其陽多赤金

銅也

其陰

多白金

銀也見爾雅山南
為陽山北為陰

有獸焉其狀如馬而白首其

文如虎而赤尾其音如謠

如人歌聲

其名曰鹿蜀佩之宜子

孫

佩謂帶其皮毛

怪水出焉而東流注于憲翼之水其中多玄

龜其狀如龜而鳥首虺尾

虺尾銳

其名曰旋龜其音如判

木

如破木聲

佩之不聾可以為底

底躡也為猶治也外傳曰疾不可為一作底猶病愈

也

又東三百里柢山

柢音蒂

多水無草木有魚焉其狀如牛

陵居虵尾有翼其羽在鮒下

亦作鮒

其音如留牛

莊子曰執犂之

狗謂此牛也穆天子傳曰天子之狗執虎豹

其名曰鮒

音六

冬死而夏生

此亦蟄類

也謂之死者言其蟄無所知如死耳

食之無腫疾

又東四百里曰亶爰之山

亶音蟬

多水無草木不可以上

言崇隋也

有獸焉其狀如狸而有髦其名曰類

類或作沛髦或作髮

白

為牝牡食者不妒

莊子亦曰類自為雌雄而化今類猶亦自為雌雄

又東三百里曰基山其陽多玉其陰多怪木有獸焉其

狀如羊九尾四耳其目在背其名曰搏訖

搏施二音訖一作施

佩

之不畏

不知恐畏

有鳥焉其狀如雞而三首六目六足三翼

其名曰鵯鵯

鵯鵯急性故字二音

食之無卧

使人少眠

又東三百里曰青丘之山

亦有青丘國在海外水經云即上林賦云秋田於青丘

其陽多玉其陰多青護

護黜屬音致

有獸焉其狀如狐而九

尾

即九尾狐

其音如嬰兒能食人食者不蠱

噉其肉令人不達妖邪之氣或

曰蠱毒

有鳥焉其狀如鳩其音若呵

如人相呵呼聲

名曰灌灌

或作

護護

佩之不惑英水出焉南流注于即翼之澤其中多赤

鰮

音儒

其狀如魚而人面其音如鴛鴦食之不疥

一作疾

又東三百五十里曰箕尾之山其尾跋于東海多沙石

跋古踰字言臨海上音存

沔水出焉

音芳

而南流注于瀟

音育

其中多白

玉凡離山之首自招搖之山以至箕尾之山凡十山二

千九百五十里其神狀其鳥身而龍首其祠之禮毛

言擇

牲取其毛色也周官曰陽祀用騂牲之毛

用一璋玉瘞

半圭為璋瘞埋也

糝用稌米

糝祀神之米名先呂反今江東音所一音婿稌稌稻也他覩反糝或作疏非也

一璧稻米白菅

為席

菅茅屬也音間

南次二經之首曰柜山

音柜

西臨流黃北望諸毗東望長

右皆山

英水出焉西南流注于赤水其中多白玉

戶子曰水

方折者有玉員折者有珠

多丹粟

細丹砂如粟也

有獸焉其狀如豚有距其

音如狗吠其名曰狸力見則其縣多土功有鳥焉其狀

如鷓而人手

其脚如人手
鷓音處脂反

其音如痺

未詳

其名曰鵠

音株

其

鳴自號也見則其縣多放士

放放還或
作放也

東南四百五十里曰長右之山無草木多水有獸焉其

狀如禺而四耳其名長右

以山出此獸
因以名之

其音如吟

如人
呻吟

聲見則郡縣大水

又東三百四十里曰堯光之山其陽多玉其陰多金有

獸焉其狀如人而夤鬣穴居而冬蟄其名曰狷褻

滑壞
兩音

其音如斲木

如人所
木聲

見則縣有大繇

謂作役也或
曰其縣亂

又東三百五十里曰羽山

今東海祝其縣西南有羽山即縣所殛處計此道里不相

應似非也其下多水其上多雨無草木多蝮虫

也 蜮

又東三百七十里曰瞿父之山

音劬

無草木多金玉

又東四百里曰句餘之山無草木多金玉

今在會稽餘姚縣南句章

縣北故此二縣因此為名云見張氏地理志

又東五百里曰浮玉之山北望具區

具區今吳縣西南太湖也尚書謂之

震澤東望諸毗

水名

有獸焉其狀如虎而牛尾其音如犬吠

其名曰彘是食人菖水出于其陰北流注于具區其中

多鯨魚

鯨魚狹薄而長頭大者尺餘太湖中今饒之一名刀魚音祚啓反

又東五百里曰成山四方而三壇

形如人築壇相累也成亦重耳

其上

多金玉其下多青龍閣水出焉

音涿

而南流注于

一作流注于西

虜勺

虜音呼勺或作多下同

其中多黃金

今永昌縣水出金如糠在沙中尸子曰清水出

黃金

玉英

又東五百里曰會稽之山四方

今在會稽郡山陰縣南上有禹冢及井

其

上多金玉其下多硃石

硃武夫石似玉今長沙臨湘出之赤地白文色龍蔥不分明

勺水出焉而南流注于澳

音鵞

又東五百里曰夷山無草木多沙石澳一作水出焉而

南流注于列塗

又東五百里曰僕勾一作之山其上多金玉其下多草

木無鳥獸無水

又東五百里曰咸陰之山無草木無水

又東四百里曰洵一作山其陽多金其陰多玉有獸焉

其狀如羊而無口不可殺也稟氣自然其名曰羆音還或音患洵

水出焉音而南流注于閼之澤音其中多芘羸紫色

又東四百里曰虜勺之山其上多梓柎

梓山楸也柎大木葉似桑今作

柎音南爾雅以為柎

其下多荆杞

杞枸杞也子赤

滂水出焉

音滂沱之滂

而東

流注于海

又東五百里曰區吳之山無草木多砂石鹿水出焉而南流注于滂水

又東五百里曰鹿吳之山上無草木多金石澤更之水

出焉而南流注于滂水有獸焉名曰蠱雕

蠱或作纂

其狀

如雕而有角其音如嬰兒之音是食人

東五百里曰漆吳之山無草木多博石無玉

可以為處博碁石

于海東望邱山其光載出載入

神光之所潛耀

是惟日次

是日景之

所次舍

凡南次二經之首自拒山至于漆吳之山凡十七

山七千二百里其神狀皆龍身而鳥首其祠毛角一璧

瘞瘡用徐

稻積也

南次三經之首曰天虞之山其下多水不可以上

東五百里曰禱過之山其上多金玉其下多犀兕

犀似水牛

猪頭瘳脚脚似象有三蹄大腹黑色三角一在頂上一在額上一在鼻上在鼻上者小而不墮食角也好噉棘

口中常灑血沫兒亦似水
半青色一角重三千斤

多象

象獸之最犬者長鼻大者牙長一丈性妬不畜

注有鳥焉其狀如鷓

鷓似鳧而小脚近尾音駁箭之駁

而白首三足

或作

手人面其名曰瞿如

音如

其鳴自號也浪水出焉而南流

注于海其中有虎蛟

蛟似蛇四足龍屬

其狀魚身而蛇尾其音

如鴛鴦食者不腫可以已痔

又東五百里曰丹穴之山其上多金玉丹水出焉而南

流注于渤海

渤海海岸曲崎頭也

有鳥焉其狀如雞五采而文名

曰鳳皇首文曰德翼文曰義背文曰禮膺文曰仁腹文

曰信是鳥也飲食自然自歌自舞見則天下安寧

漢時
鳳鳥

數出高五六尺五采莊周說鳳文字與此有異廣雅云鳳雞頭鷓頰蛇頸龜背魚尾雌曰皇雄曰鳳

又東五百里曰發爽

或作
喪

之山無草木多水多白猿汎

水出焉而南流注于渤海

又東四百里至于旄山之尾其南有谷曰育遺

或作
隧多

怪鳥

廣雅曰鷓鷯鷓朋友居鷓雀皆怪鳥之屬也

凱風自是出

凱風
南風

又東四百里至于非山之首其上多金玉無水其下多

蝮虫

又東五百里曰陽夾之山無草多水

又東五百里曰灌湘之山上多木無草多怪鳥無獸一作

灌湖射

之山

又東五百里曰雞山其上多金其下多丹腹

腹赤色者或曰腹美

丹也見尚書音尺蠖之蠖

黑水出焉而南流注于海其中有鱒魚音團

扇之其狀如鮒而翫毛其音如豚見則天下大旱

又東四百里曰令丘之山無草木多火其南有谷焉曰

中谷條風自是出

東北風為條風記曰條風至出輕繫督逋留

有鳥焉其狀

如梟人面四目而有耳其名曰顛音娛其鳴自號也見則

天下大旱

又東三百七十里曰侖者之山

音論說之論
論一音倫

上多金玉

其下多青藿有木焉其狀如穀而赤理其汗如漆其味

如飴食者不飢可以釋勞其名曰白蓉

或作罽蘇罽蘇
一名白蓉見廣

雅音

可以血玉

血謂可用染
玉作光彩

又東五百八十里曰禺橐之山多怪獸多大蛇

東五百八十里曰南禺之山其上多金玉其下多水有

穴焉水出輒入夏乃出冬則閉佐水出焉而東南流注

于海有鳳皇鸕鷀

亦鳳屬

凡南次三經之首自天虞之山以至南禺之山凡一十四山六千五百三十里其人皆龍身而人面其祠皆一

白狗祈

祈請禱也

糶用稌

右南經之山志大小凡四十山萬六千三百八十里

山海經卷一

欽定四庫全書會要卷七千五百九十五

史部

山海經卷二

晉 郭璞 註

西山經

西山經華山之首曰錢來之山其上多松其下多洗石

澡洗可以硤體去垢圻硤初兩反

有獸焉其狀如羊而馬尾名曰羝羊

今大月氏國有大羊如驢而馬尾爾雅云羊六尺為羝謂此羊也羝音針

其脂可以已腊

治體

皴腊音昔

西四十五里曰松果之山澗水出焉北流注于渭其中

多銅有鳥焉其名曰鵙渠

鵙音形弓之形

其狀如山雞黑身赤

足可以已曝

謂皮皺起也音叵駁反

又西六十里曰太華之山

即西岳華陰山也今在弘農華陰縣西南

削成而

四方

今山形上大下小峭峻也

其高五千仞其廣十里

仞八尺也上有明星玉女

持玉漿得上服之即成仙道險僻不通詩含神霧云

鳥獸莫居有蛇焉名曰肥蠶

六足四翼見則天下大旱

湯時此蛇見於陽山下復有肥遺蛇疑是同名

又西八十里曰小華之山

即少華山其木多荆杞其獸多狝

牛

今華陰山中多山牛山羊肉皆千斤牛即此牛也音昨

其陰多磬石

可以為樂石

其

陽多璵璆之玉

璵璆玉名所未詳也溇浮兩音

鳥多赤鷩

赤鷩山雞之屬胸腹洞赤

冠金背黃頭綠尾中有赤毛彩鮮明音作蔽或作鼈

可以禦火其草有草荔

草荔香草

也蔽戾兩音

狀如烏韭而生於石上赤緣木而生

烏韭在屋者曰昔邪

在墻者曰垣衣

食之已心痛

又西八十里曰符禺之山其陽多銅其陰多鐵其上有

木焉名曰文莖其實如棗可以已聾其草多條其狀如

葵而赤花黃實如嬰兒舌食之使人不感符禺之水出

焉而北流注于渭其獸多葱蘢其狀如羊而赤鬣其鳥

多鷗

音是

其狀如翠而赤喙

翠似燕而紺色也

可以禦火

畜之辟火災也

又西六十里曰石脆之山其木多椶柎

椶樹高三丈許無枝條葉大而

員枝生梢頭實皮相裏上行一皮者為一節可以為繩一名楛櫚音馬駿之駿

其草多條其狀

如韭而白華黑實食之已疥其陽多瑇瑁之玉其陰多

銅灌水出焉而北流注于禺水其中有流赭

赭赤土

以塗

牛馬無病

今人亦以朱塗牛角云以辟惡馬或作角

又西七十里曰英山其上多柎檣

柎似棗而細葉一名土檣音紐檣木中卑

材音其陰多鐵其陽多赤金禺水出焉北流注于招水

韶音其中多鮮魚音同蚌蛤之蚌其狀如鼈其音如羊其陽多箭

簞今漢中郡出簞竹厚裏而長節根深筍冬生地中人掘取食之簞音媚其獸多牝牛羢

羊有鳥焉其狀如鷄黃身而赤喙其名曰肥遺食之已

癘癘疫也或曰惡瘡韓子曰癘人憐主可以殺蟲

又西五十二里曰竹山其上多喬木枝上棘者音橋其陰多鐵

有草焉其名曰黃薺其狀如樗其葉如麻白華而赤實

其狀如赭紫赤色浴之已疥又可以已附治附腫也音符竹水出

馬北流注于渭其陽多竹箭

箭籜也

多蒼玉丹水出焉

今所

在有丹水東南流注于洛水其中多水玉多人魚

如鱈魚四脚

有

獸焉其狀如豚而白毛大如筭而黑端

筭籜屬

名曰毫氁

獬豸也夾髀有麗豪長數尺能以脊上毫射物亦自為牝牡獬或作假吳楚呼為鸞猪亦此類也

又西百二十里曰浮山多盼水

音美目盼兮之盼

枳葉而無傷

枳刺針也能傷人故名云木蟲居之

在樹之中

有草焉名曰薰

音訓

草麻葉

而方莖赤華而黑實臭如薜蘿

薜蘿香草易曰其臭如蘭眉無兩音

佩之

可以已癘

又西七十里曰踰次之山

音

漆水出焉

今漆水出岐山

北流注

于渭其上多棫樞

棫白桮也音域

其下多竹箭其陰多赤銅其

陽多嬰垣之玉

垣或作短或作根或作埋傳寫謬錯未得其詳

有獸焉其狀如

禺而長臂善投其名曰噐

亦在畏獸畫中似獼猴投擲也

有鳥焉其狀

如臬人面而一足曰橐蜚

音肥

冬見夏蟄服之不畏雷

著其

毛羽令人不畏天雷也或作灾

又西百五十里曰時山無草木遂

或作

水出焉北流注

于渭其中多水玉

又西北七十里曰南山上多丹粟丹水出焉北流注于

渭獸多猛豹

猛豹似熊而小毛淺有光澤能食蛇食銅鐵出蜀中豹或作虎

鳥多尸鳩

尸鳩布穀類也或曰鵙鷓也鵙或作邱

又西百八十一曰大時之山上多穀柞

柞

下多柎榘陰

多銀陽多白玉泚水出焉

音潛

北流注于渭清水出焉南

流注于漢水

今河內修武縣縣北黑山亦出清水

又西三百二十里曰蟠冢之山

今在武都氏道縣南蟠音波

漢水出

焉而東南流注于沔

至江夏安陸縣江即沔水

器水出焉北流注于

湯水

或作陽

其上多桃枝鈎端

鈎端桃枝屬

獸多犀兕熊羆

似羆

熊而黃白色
猛慙能拔樹

鳥多白翰赤鷩

白翰白鷩也亦名
鷩雉又曰白雉

有草焉

其葉如蕙

蕙香草蘭屬也或以
蕙為薰葉失之音惠

其本如桔梗

本根也

黑華

而不實名曰菁蓉

爾雅釋草曰菁而
不實謂之菁音骨

食之使人無子

又西三百五十里曰天帝之山上多檉柎下多管蕙

管茅

類也有獸焉其狀如狗名曰谿

或作谷

邊

或作遺

席其皮者不

蠱有鳥焉其狀如鷓黑文而赤翁

翁頭下毛音
沒竟之甕

名曰櫟

音沙磔
之磔

食之已痔有草焉其狀如葵其臭如薤蕪名曰

杜衡

香草也

可以走馬

帶之令人便馬或曰馬得之而健走

食之已癭

西南三百八十里曰臯塗之山

音色或作蕡又作藟

水出焉西

流注于諸資之水塗水出焉南流注于集獲之水其陽

多丹粟其陰多銀黃金其上多桂木有白石焉其名曰

礪可以毒鼠

今礪石殺鼠音豫蠶食之而肥

有草焉其狀如橐茨

橐茨香草

其葉如葵而赤背名曰無條可以毒鼠有獸焉其狀如

鹿而白尾馬足人手

前兩脚似人手

而四角名曰櫻如

音猥櫻之嬰

有鳥焉其狀如鴟而人足名曰數斯食之已癭

或作癩

又西百八十里曰黃山

今始平槐里縣有黃山上故無
有宮漢惠帝所起疑非此

草木多竹箭盼水出焉

音美目盼
兮之盼

西流注于赤水其中

多玉有獸焉其狀如牛而蒼黑大目其名曰犛

音敏有鳥

焉其狀如鴉青羽赤喙人舌能言名曰鸚鵡

鸚鵡舌似
小兒舌脚

指前後各兩扶南微外出五色
者亦有純赤白者大如鴈也

又西二百里曰翠山其上多檉柎其下多竹箭其陽多

黃金玉其陰多菀牛麋麝

麋似羊而大角細食好在
山崖間麝似獐而小有香

鳥多鷓鴣音壘其狀如鵲赤黑而兩手四足可以禦火

又西二百五十里曰隗山

音巍一音隗

是錡于西海

錡猶提擣

也音章
閩反

無草木多玉淒水出焉

或作淒

西流注于海其中

多采石黃金

采石石有采色者今雌黃空青綠礬之屬

多丹粟

凡西經之首自錢來之山至于隗山凡十九山二千九

百五十七里華山冢也

冢者神鬼之所舍也

其祠之禮太牢

牛羊豕為

太牢 隗山神也祠之用燭

或作燭

齋百日以百犧

牲純色者為犧 瘞

用百瑜

瑜亦美玉名音史

湯

或作湯

其酒百樽

溫酒令熱

嬰以百珪百

璧

嬰謂陳之以環祭也或曰嬰即古嬰字謂盃也徐川云穆天子傳曰黃金之嬰之屬也

其餘十七山之屬皆毛牲用一羊祠之

牲謂牲體全具也左傳曰牲牲

肥腊者也

燭者百草之末灰白蓆采等純之

純緣也五色純之等差其文綵

也周禮莞

席紛純

西經二次之首曰鈴山

音髡鉗之鉗或作冷又作塗

其上多銅其下

多玉其木多杻榲

西二百里曰秦

或作秦

冑之山其陽多金其陰多鐵浴水

出焉東流注于河其中多藻玉

藻玉玉有符絲者或作東音練

多白蛇

蛇水

又西一百七十里曰數歷之山其上多黃金其下多金

其木多柎樞其鳥多鸚鵡楚水出焉而南流注于渭其

中多白珠

今蜀郡平澤出青珠尸
子曰水員折者有珠

又西百五十里曰高山其上多銀其下多青碧

碧亦玉
類也今

越嵩會稽縣
東山出碧

雄黃

晉大興三年高平郡界有
山崩其中出數千斤雄黃

其木多櫟

其草多竹涇水出焉

音經

而東流注于渭

今涇水出安定
朝那縣西井頭

山至京兆高
陵縣入渭也

其中多磐石

書曰泗濱
浮磬是也

青碧

西南三百里曰女牀之山其陽多赤銅其陰多石涅

即
碬

石也楚人名為涇石秦名為羽
涇也本草經亦名曰石涇也

其獸多虎豹犀兕有鳥

焉其狀如翟而五彩文

翟似雉而大長尾
或作鸚鵡屬也

名曰鸞鳥見

則天下安寧

舊說鸞似鸚鵡鳥也
周成王時西成獻之

又西二百里曰龍首之山其陽多黃金其陰多鐵若水
出焉東南流注于涇水其中多美玉

又西二百里曰鹿臺之山

今在上郡

其上多白玉其下多銀

其獸多牝牛羝羊白豪

豪類
指也

有鳥焉其狀如雄雞而人

面名曰鳧僕其鳴自叫也見則有兵

西南二百里曰烏危之山其陽多磬石其陰多檀楮

楮即

穀木

其中多女牀

未詳

烏危之水出焉西流注于赤水其中

多丹粟

又西四百里曰小次之山其上多白玉其下多赤銅有

獸焉其狀如猿而白首赤足名曰朱厭見則大兵

一作見則

有兵起焉一作見則為兵

又西三百里曰大次之山其陽多堊

堊似土色甚白音惡

其陰多

碧其獸多牝牛麋羊

又西四百里曰薰吳之山無草木多金玉

又西四百里曰庑陽之山

音旨

其木多櫻柎豫章

櫻似松有刺細

理音即豫章大木似楸葉冬夏青生七年而後復可知也

其獸多犀兕虎豹牝牛

音豹

之樂反

又西二百五十里曰衆獸之山其上多璵璠之玉其下多檀楮多黃金其獸多犀兕

又西五百里曰皇人之山其上多金玉其下多青雄黃

即雄黃也或曰

空青曾青之屬

皇水出焉西流注于赤水其中多丹粟

又西三百里曰中皇之山其上多黃金其下多蕙棠

形棠

之屬也蕙

或作羔

又西三百五十里曰西皇之山其陽多金其陰多鐵其

獸多麋鹿柞牛

麋大如小牛鹿屬也

又西三百五十里曰萊山其木多檀楮其鳥多羅羅是

食人

羅羅之鳥所未詳也

凡西次二經之首自鈐山至于萊山凡十七山四千一百四十里其十神者皆人面而馬身其七神皆人面牛

身四足而一臂操杖以行是為飛獸之神其祠之毛用

少牢

羊豕為少牢也

白菅為席其十輩

音背

神者其祠之毛一雄

雞鈴而不糝

鈴所用祭器名所未詳也或作思訓祈不糝祠不以米

毛采

言用雄色雞也

西次三經之首曰崇吾之山在河之南北望冢遂

山名

望崑之澤

音遙

西望帝之搏獸之丘

搏或作簿

東望螭

音於然反

淵

有木焉員葉而白拊

今江東人呼草木子房為拊音府一曰拊花下鄂音丈夫字或作拊

音符赤華而黑理其實如枳食之宜子孫有獸焉其狀如

禺而文臂豹虎而善投名曰舉父

或作夸父

有鳥焉其狀如

鳧而一翼一目相得乃飛名曰蠻蠻

比翼鳥也色青赤不比不能飛爾雅

作鵝鵝鳥也

見則天下大水

西北三百里曰長沙之山泚水出焉

音紫

北流注于泚水

鳥交反又音黝水色黑也

無草木多青雄黃

又西北三百七十里曰不周之山

此山形有缺不周匝處因名云西北不周

風自此山出

北望諸毗之山臨彼嶽崇之山東望泐澤河水

所潛也其源渾渾泡泡

河南出崑崙崙潛行地下至葱嶺出于闐國復分流岐出合而東

流注泐澤已復潛行南出于積石山而為中國河也名泐澤即蒲澤一名蒲昌海廣三四百里其水停冬夏不

增減去玉門關三百餘里即河之重源所謂
潜行也渾渾泡泡水潰湧之聲也袞咆二音爰有嘉果
其實如桃其葉如棗黃華而赤拊食之不勞

又西北四百二十里曰峯音密山其上多丹木員葉而赤

莖黃華而赤實其味如飴食之不飢丹水出焉西流注

于稷澤后稷神所憑因名云其中多白玉是有玉膏其源沸沸湯

湯玉膏湧出之貌也河圖玉版曰少室山其上
有白玉膏一服即仙矣亦此類也沸音拂黃帝是

食是饗所以得登龍於鼎湖而龍蛻也是生玄玉言玉膏中又
出黑玉也玉膏所

出以灌丹木丹木五歲五色乃清言光
鮮也五味乃馨言滋
香也

黃帝乃取崑山之玉榮

謂玉華也。離騷曰：懷琬琰之華。英又曰：登崑崙兮食玉英。汲冢

書所謂茗華之玉

而投之鍾山之陽

以為玉種

瑾瑜之玉為良

言最善也

或作食覲史兩音

堅粟精密

說玉理也。禮記曰：鎮密以粟。粟或作粟。玉有粟文，所謂穀璧也。

濁

澤而有光

濁謂潤厚

五色發作

言符彩互映色。王子靈符應曰：赤如雞冠，黃如蒸粟，白如

割肪黑如醇漆。玉之符彩也。

以和柔剛

言玉協九德也。

天地鬼神是食是饗

玉所以祈祭者。言能動天地，感鬼神。

君子服之以禦不祥

今徵外出金剛石石屬而似金

有光彩可以刺玉外國人帶之云辟惡氣亦此類也。

自崑山至于鍾山四百六十

里其間盡澤也是多奇鳥怪獸奇魚皆異物焉

又西北四百二十里曰鍾山其子曰鼓

此亦神名名之為鍾山之子耳

其類皆見歸藏啟筮

其狀如人面而龍身

啟筮曰麗山之子青羽人面馬身亦似此狀也

是與欽鴞

音邳

殺葆江于崑崙之陽

葆或作祖

帝乃戮之鍾山

之東曰嵯

音遙

崖欽鴞化為大鷩

鷩屬也音愕

其狀如鷩而黑

文白首赤喙而虎爪其音如晨鵠

晨鵠鷩屬猶云晨鳧耳說苑曰鵠吠犬比

奉晨鳧也

見則有大兵鼓亦化為鷩鳥

音俊

其狀如鷩赤足而

直喙黃文而白首其形如鵠見則其邑大旱

穆天子傳云鍾山作

春字音同耳穆王北升此山以望四野曰鍾山是惟天下之高山也百獸之所聚飛鳥之棲也爰有赤豹白虎

白鳥青鵬執犬羊食豕鹿穆王五日觀于
鍾山乃為銘迹於縣圃之上以詔後世

又西百八十里曰泰器之山觀水出焉西流注于流沙

是多文鱖魚音遙狀如鯉魚魚身而鳥翼蒼文而白首赤

喙常行西海遊於東海以夜飛其音如鸞雞鸞雞鳥名未詳也或

作藥其味酸甘食之已狂見則天下大穰豐穰收熟也韓子曰穰歲之秋

又西三百二十里曰槐江之山丘時之水出焉而北流

注于沕水其中多羸母即蝶螺也其上多青雄黃多藏琅玕

黃金玉琅玕石似珠者藏猶隱也郎干二音其陽多丹粟其陰多采黃金

銀實惟帝之平圃

即玄圃也穆天子傳曰乃為銘迹於玄圃之上謂刊石紀功德如秦皇漢

武之為者也

神英招司之

司主也招音韶

其狀馬身而入面虎文而

鳥翼狗于四海

徇謂周行也

其音如樞

音畱或作籀此所未詳也

南望崑

崑其光熊熊其氣魂魄

皆光氣炎盛相焜耀之貌

西望大澤后稷所

潛也

后稷生而靈知及其終化形邈此澤而為之神亦猶傳說騎箕尾也

其中多玉其陰

多榘木之有若

榘木大木也言其上復生若木大木之奇靈者為若見尸子國語曰榘木不生

花也北望諸毗

山名

槐鬼離侖居之

離侖其神名

鷹鷗之所宅也

鷗亦鷗屬也莊周曰鷗鴉甘鼠穆天子傳云鍾山上有白鳥青鷗皆此族類也

東望恒山四成

成亦重也。爾雅云再成曰英也。

有窮鬼居之各在一搏。

搏猶脇也。言羣鬼各以類聚處。

山四脅有窮其惣號耳搏一作搏。

爰有淫水其清洛洛。

水留下之貌也。淫音遙。

有

天神焉其狀如牛而八足二首馬尾其音如勃星。

勃星未詳。

見則其邑有兵。

西南四百里曰崑崙之丘是實惟帝之下都。

天帝都邑之在下者。

也。穆天子傳曰吉日辛酉天子升于崑崙之丘以觀黃帝之宮而封豐隆之葬以詔後世。言增封于崑崙山之

上神陸吾司之。

即肩吾也。莊周曰肩吾得之以處大山也。

其神狀虎身而九

尾人面而虎爪是神也。司天之九部及帝之圓時。

主九成之。

部界天帝苑
圃之時節也

有獸焉其狀如羊而四角名曰土樓是食

人有鳥焉其狀如蜂大如鴛鴦名曰欽原

欽或作援
或作至也

蠶

鳥獸則死蠹木則枯有鳥焉其名曰鷦鳥是司帝之百

服

服器服也一曰
服事也或作藏

有木焉其狀如棠

棠梨也

華黃赤實其

味如李而無核名曰沙棠可以禦水食之使人不溺

言體

浮輕也沙棠為木不可得沉呂氏春秋曰果之美者沙
棠之實銘曰安得沙棠刻以為舟汎彼滄海以遊以遊

有草焉名曰薈草

音類

其狀如葵其味如葱食之已勞

呂氏

春秋曰菜之美
者崑崙之蘋

河水出焉

出山東
北隅也

而南流東注于無達

山名 赤水出焉

出山東南隅也

而東南流注于汜天之水

汜天赤山名赤

水所窮也穆天子傳曰遂宿于崑崙之側赤水之陽陽水北也汜淳釗反

洋水出焉

出山西北隅或

清作而西南流注于醜塗之水

醜塗亦山名也皆在南極穆天子傳曰戊辰濟洋水

又曰觴天黑水出焉

亦出西北隅也

而西流于大杆

山名也穆天子傳曰

乃封長肱于黑水之西河是惟崑崙

是多怪鳥獸

謂有一獸九首

首一鳥六首之屬也

又西三百七十里曰樂游之山桃水出焉西流注于稷

澤是多白玉其中多鱮魚

音滑

其狀如蛇而四足是食魚

西水行四百里曰流沙二百里至于羸母之山神長乘

司之是天之九德也

九德九氣所生

其神狀如人而豹

之藥反

尾

其上多玉其下多青石而無水

又西三百五十里曰玉山是西王母所居也

此山多玉石因以名

云穆天子傳謂之羣玉之山見其山河無險四徹中繩先王之所謂策府寡草木無鳥獸穆王於是攻其玉石取玉石版三乘玉器服物載玉萬隻以歸雙玉為鼓半鼓為隻西王母其狀如人豹尾

虎齒而善嘯蓬髮戴勝

蓬頭亂髮勝玉勝也音龐

是司天之厲及五

殘

主知災厲五刑殘殺之氣也穆天子傳曰吉日甲子天子賓于西王母執玄圭白璧以見西王母獻錦組

百縷金玉百斤西王母再拜受之乙丑天子觴西王母于瑤池之上西王母為天子謠曰白雲在天山陵自出道里悠遠山川間之將子無死尚復能來天子奮之曰予還東土和理詰夏萬民均平吾願見汝比及三年將復而野西王母又為天子吟曰徂彼西土爰居其所虎豹為羣鳥鵲與處嘉命不遷我惟帝女彼何世民又將去子吹笙鼓簧中心翔翔世民之子惟天之望天子遂驅升于奄山乃紀述于奄山之石而樹之槐眉曰西王母之山奄山即崦嵫山也案竹書穆王五十七年西王母來見賓于昭宮舜時西王母遣使獻玉環見禮三朝有獸焉其狀如犬而豹文其角如牛或作羊其名曰狡其

音如吠犬見則其國大穰

晉太康七年邵陵扶夷縣檻得一獸狀如豹文有二角無

前兩脚時人謂之狡疑非此

有鳥焉其狀如翟而赤名曰𪗇遇

音是

食魚其音如錄

音錄義未詳

見則其國大水

又西四百八十里曰軒轅之丘無草木

黃帝居此邱娶西陵氏女因號

軒轅丘

洵水出焉

音詢

南流注于黑水其中多丹粟多青雉

黃

又西三百里曰積石之山其下有石門河水冒以西流

冒猶覆也積石山今在金城河門關西南羌中河水行塞外東入塞內

是山也萬物無不

有焉

水經引山海經云積石山在鄧林山東河所入也

又西二百里曰長流之山其神白帝少昊居之

少昊金天氏帝

摯之號也

其獸皆文尾

或作長

其鳥皆文首

文或作長

是多文玉石

實惟員神魄氏之宮

音隗

是神也主司反景

丁山人則景反東照主司

察之

又西二百八十里曰章莪之山無草木多瑤碧

碧亦玉屬所

為甚怪

多有非常之怪

有獸焉其狀如赤豹五尾一角其音如

擊石其名如狎

京氏易義曰音如石相擊音靜也

有鳥焉其狀如鶴一

足赤文青質而白喙名曰畢方其鳴自叫也見則其邑

有譌火

譌亦妖訛字

又西二百里亦陰山濁浴之水出焉而西流注于蕃澤

其中多文貝

餘泉蚘之類也見爾雅

有獸焉其狀如狸

或作豹

而白

首名曰天狗其音如榴榴

或作猫猫

可以禦凶

又西二百里曰符惕之山

音陽

其上多櫟柎下多金玉神

江疑居之是山也多怪雨風雲之所出也

又西二百二十里曰三危之山

今在燉煌郡尚書云竄三苗于三危是也

三

青鳥居之是山也廣員百里

三青鳥主為西王母取食者別自棲息於此山也竹

書曰穆王西征至于青鳥所解也

其上有獸焉其狀如鳥白身四角其

毫如披蓑

蓑辟雨之衣也音梭

其名曰微徊

微噓二音

是食人有鳥焉

一首而三身其狀如鸛其名曰鷓

鷓似鷓黑文赤頸音洛下句或云披狩則

短扶木則枯應在上欽原下脫錯在此耳

又西一百九十里曰驪山其上多玉而無石神者童居

之

耆童老童顛頊之子

其音常如鐘磬其下多積蛇

又西三百五十里曰天山多金玉有青雉黃英水出焉

而西南流注于湯谷有神焉其狀如黃囊赤如丹火

體色

黃而精光赤也

六足四翼渾敦無面目是識歌舞實惟帝江也

夫形無全者則神自然靈照精無見者則闇與理會其
帝江之謂乎莊生所云中央之帝混沌為儻忽所鑿七
竅而死者蓋假
此以寓言也

又西二百九十里曰沕山

沕音黜黑之黜

神蓐收居之

亦金神也人面

虎爪白尾執鉞見外傳云

其上多嬰短之玉

未詳

其陽多瑾瑜之玉其

陰多青雄黃是山也西望日之所入其氣員

日形員故其氣象亦

然也神紅光之所司也

未聞其狀

西水行百里至于翼望之山

或作土翠山

無草木多金玉有

獸焉其狀如狸一目而三尾名曰謹

謹音歡或作原

其音如柰

百聲

言其能作百種物聲也或是
曰棄百物名亦所未詳

是可以禦凶服之已瘳

黃瘳病也音旦

有鳥焉其狀如鳥三首六尾而善笑名曰鵠鵠

猗餘兩音

服之使人不厭

不厭夢也周書曰服者不昧音莫禮反或曰昧昧目也

又可

以禦凶

凡西次三經之首崇吾之山至于翼望之山凡二十三

山六千七百四十四里其神狀皆羊身人面其祠之禮

用一吉玉瘞

玉加采色者也尸子曰吉玉大龜

糝用稷米

西次四經之首曰陰山上多穀無石其草多芡蕃

芡菴菜也

蕃青蕃似莎而陰水出焉西流注于洛
大郊頰兩音

北五十里曰勞山多茈草

一名茈蒨
中染紫也

弱水出焉而西流

注于洛

西五十里曰羆父之山洱水出焉

耳音

而西流注于洛其

中多茈碧

北百七十里曰申山其上多穀柞其下多柎榿其陽多
金玉區水出焉而東流注于河

北二百里曰鳥山其上多桑其下多楮其陰多鐵其陽

多玉辱水出焉而東流注于河

又北百二十里曰上申之山上無草木而多砾石

砾石
砾大

石貌也
音洛

下多榛楛

榛子似栗而小味美楛木可以為箭詩云榛楛濟濟臻恬兩音

獸多

白鹿其鳥多當扈

或作戶

其狀如雉以其髯飛

髯咽下
頰毛也食

之不眴目

音眩

湯水出焉東流注于河

又北百八十里曰諸次之山諸次之水出焉而東流注

于河是山也多木無草鳥獸莫居是多衆蛇

又北百八十里曰號山其木多漆櫟

漆樹似
櫟也

其草多葍

藟芎藭

藟白芷別名藟香草也芎藭一名江離藟音烏較反

多泠石

泠或作金未詳

端

水出焉而東流注于河

又北二百二十里曰孟山

音于

其陰多鐵其陽多銅其獸

多白狼白虎

外傳曰周穆王伐犬戎得四白狼白虎虎名魃

其鳥多白雉白

翟

或作白翠

生水出焉而東流注于河

西二百五十里曰白於之山上多松柏下多櫟檀

櫟即柞

其獸多牝牛羴羊其鳥多鷓鴣

鷓似鴣而青色

洛水出于其陽而

東流注于渭夾水出于其陰東流注于生水

西北三百里曰申首之山無草木冬夏有雪申水出于其上潛于其下是多白玉

又西五十五里曰涇谷之山

或無之山二字

涇水出焉

或以此為今涇

水未詳

東南流注于渭是多白金白玉

又西百二十里曰剛山多棗木多瑇瑁之玉剛水出焉

北流注于渭是多神媿

媿亦魍魎之類也音恥回反或作媿

其狀人面獸

身一足一手其音如欽

欽亦吟字假音

又西二百里至剛山之尾洛水出焉而北流注于河其

中多蠻蠻其狀鼠身而鼈首其音如吠犬

又西三百五十里曰英鞮之山上多漆木下多金玉鳥

獸盡白澆水出焉

澆或作澆音
寃在之寃

而北注于陵羊之澤是

多舟遺之魚魚身蛇首六足其目如馬耳食之使人不
眯可以禦凶

又西三百里曰中曲之山其陽多玉其陰多雄黃白玉
及金有獸焉其狀如馬而白身黑尾一角虎牙爪其音

如鼓音其名曰駮是食虎豹

爾雅說駮不道有角及
虎爪駮亦在畏獸畫中

可

以禦兵

養之辟兵刃也

有木焉其狀如棠而員葉赤實實大如

木瓜

木瓜如小瓜

名曰櫟木

音懷

食之多方

尸子曰木食之人多為仁者名為若

木此之類

又西二百六十里曰邽山

音圭

其上有獸焉其狀如牛蝟

毛名曰窮奇音如獬狔是食人

或云是虎蝟毛有翼銘曰窮奇之獸厥形甚醜

馳逐妖邪莫不犇走是以一名號曰神狗

濛水出焉

音濛

南流注于洋水其中

多黃貝

貝甲虫肉如斗但有頭尾耳

羸魚

音螺

魚身而鳥翼音如鴛鴦

見則其邑大水

又西二百二十里曰鳥鼠同穴之山

今在隴西首陽縣西南山有鳥鼠同

穴鳥名曰鵠鼠名曰鼯鼯如人家鼠而短尾鵠似燕而黃色穿地入數尺鼠在內鳥在外而共處孔氏尚書傳曰共為雌雄張氏地理記云不為牡牝也其上多白虎白玉渭水出焉而東

流注于河

出山東至弘農華陰縣入河

其中多鱣魚

音騷

其狀如鱣魚

鱣魚大魚也口在頷下體有連甲也或作鮎鯉

動則其邑有大兵

或脫無從動則以下語者

濫水出于其西

音檻

西流注于漢水多鰲魮之魚

如玳兩音

其

狀如覆鈿鳥首而魚翼魚尾音如磬石之聲是生珠玉

亦珠母蚌類而能生出之

西南三百六十里曰崦嵫之山

日沒所入山也見離騷奄茲兩音

其上

多丹木其葉如穀其實大如瓜赤符而黑理食之已瘴

可以禦火其陽多龜其陰多玉苕

或作若

水出焉而西流

注于海

禹大傳曰消盤之水出崦嵫山

其中多砥礪

磨石也精為砥麓為礪也

有獸

焉其狀馬身而鳥翼人面蛇尾是好舉人

喜抱舉人

名曰孰

湖有鳥焉其狀如鷄而人面雉身大尾

雉獮猴屬也音贈遺之遺一音

謀見中山經尾又作皆

其名自號也

或作設設亦呼耳疑此脫誤

見則其邑大

旱

凡西次四經自陰山以下至於崦嵫之山凡十九山三千六百八十里其祠祀禮皆用一白雞祈糈以稻米白菅為席

右西經之山凡七十七山一萬七千五百一十七里

山海經卷二

欽定四庫全書薈要卷七千五百九十六

史部

山海經卷三

晉 郭璞 註

北山經

北山經之首曰單狐之山多机木

机木似榆可燒以糞
稻田出蜀中音飢

其上多華草逢水出焉

逢音

而西流注于沔水其中多比

石文石

又北二百五十里曰求如之山其上多銅其下多玉無

草木滑水出焉而西流注于諸毗之水

水出諸毗山也

其中多

滑魚其狀如鰾赤背

鰾魚似蛇音善

其音如梧

如人相枝梧聲音吾子之吾

食之已疣

疣瘡也

其中多水馬其狀如馬文臂牛尾

臂前脚也

周禮曰馬黑脊而斑臂腰漢武元狩四年燉煌渥洼水出焉以為靈瑞者即此類也

其音如呼

如人

呼叫

又北三百里曰帶山其上多玉其下多青碧有獸焉其

狀如馬一角有錯

言角有甲錯也或作厖

其名曰臄䟽

音歡

可以辟

火有鳥焉其狀如鳥五采而赤文名曰鵠鷁

上已有此鳥疑同名

是自為牝牡食之不疽

無癰疽病也

彭水出焉而西流注于

比湖之水其中多儵魚

音由

其狀如雞而赤毛三尾六足

四首其音如鵲食之可以已憂

又北四百里曰譙明之山譙水出焉西流注于河其中

多何羅之魚一首而十身其音如吠犬食之已癰有獸

焉其狀如貍而赤豪

貍豪猪也音丸

其音如榴榴名曰孟槐可

以禦凶

辟凶邪氣也亦在畏獸畫中也

是山也無草木多青雄黃

一作多青

碧

又北三百五十里曰涿光之山噐水出焉而西流注于

河其中多鰓鰓之魚

音袴褶之褶

其狀如鵲而十翼鱗皆在

羽端其音如鵲可以禦火食之不痺其上多松柏其下

多棧樞其獸多麋羊其鳥多蕃

未詳或云即鷄音煩

又北三百八十里曰號山其上多漆其下多桐

桐梧也

据橫木腫節中杖据音祛

其陽多玉其陰多鐵伊水出焉西流注于

河其獸多橐駝

有肉鞍善行流沙中日行三百里其負千斤知水泉所在也

其鳥多

寓狀如鼠而鳥翼其音如羊可以禦兵

又北四百里至于號山之尾其上多玉而無石魚水出焉西流注于河其中多文貝

又北二百里曰丹熏之山其上多檇柏其草多韭薤

山皆

菜爾雅有其名

多丹雘熏水出焉而西流注于棠水有獸焉其

狀如鼠而菟首麋身其音如犴犬以其尾飛

或作犴飛犴音象

名曰耳鼠食之不脛

脛大腹也見裨倉音采

又可以禦百毒

又北二百八十里曰石者之山其上無草木多瑤碧汎

水出焉西流注于河有獸焉其狀如豹而文題白身

題額

也名曰孟極是善伏其名自呼

又北百一十里曰邊春之山

或作春山

多蔥葵韭

山蔥名桃荅大葉

李

山桃掬桃子小不解校也

杠水出焉而西流注于泐澤有獸焉

其狀如禺而文身善笑見人則卧

言佯眠也

名曰幽頰

或作嬾嬾

頰音過

其鳴自呼

又北二百里曰蔓聯之山

萬連二音

其上無草木有獸焉其

狀如禺而有鬣牛尾文臂馬蹄見人則呼名曰足

訾其鳴自呼有鳥焉羣居而朋飛

朋猶輩也

其毛如雌雉名

曰鵠

鵠音或作渴也

其鳴自呼食之已風

又北百八十里曰單張之山其上無草木有獸焉其狀

如豹而長尾人首而牛耳一目名曰諸捷

音如捷牛之捷

善叱

行則銜其尾居則蟠其尾有鳥焉其狀如雉而文首白

翼黃足名曰白鵠

音夜

食之已嗑痛

嗑咽喉也穀梁傳嗑不容粒今吳人呼咽

為嗑音隘

可以已癩

癩疑病也

櫟水出焉而南流注于杠水

又北三百二十里曰灌題之山其上多檮柘其下多流

沙多砥有獸焉其狀如牛而白尾其音如訃

如人呼喚訃音叫

名曰那父有鳥焉其狀如雌雉而人面見人則躍

躍名

曰竦斯其鳴自呼也匠韓之水出焉而西流注于泐澤

其中多磁石

可以取鐵管子曰山上有磁石者下必有銅音慈

又北二百里曰潘侯之山其上多松柏其下多榛楛其

陽多玉其陰多鐵有獸焉其狀如牛而四節生毛名曰

旄牛

今旄牛背膝及胡尾皆有長毛

邊水出焉而南流注于櫟澤

又北二百三十里曰小咸之山無草木冬夏有雪

北二百八十里曰大咸之山無草木其下多玉是山也

四方不可以上有蛇名曰長蛇其毛如蜺豪

說者云長百尋今蝮

蛇色似艾綬文文間有毛如猪鬃此其類也常山亦有長蛇與此形不同

其音如鼓柝

如人行夜

敲木柝

聲音託

又北三百二十里曰敦薨之山其上多椶柎其下多苾草敦薨之水出焉而西流注于泐澤出于崑崙之東北

隅實惟河源

即河水出崑崙之虛

其中多赤鮭

今名鮭鮠為鮭魚音圭

其獸

多兕羸牛

或作撲牛撲牛見離騷天問所未詳

其鳥多鴈鳩

又北二百里曰少咸之山無草木多青碧有獸焉其狀

如牛而赤身人面馬足名曰窳窳

爾雅云窳窳似犴虎爪與此錯軋愈二音

其音如嬰兒是食人敦水出焉東流注于鴈門之水

出水

鴈門

其中多鮪鮪之魚

音沛未詳或作鮪

食之殺人

又北二百里曰獄法之山灋澤之水出焉

音灋

而東北流

注于泰澤其中多鱮魚

音藻

其狀如鯉而雞足食之已疣

有獸焉其狀如大而人面善投見人則笑其名山獬

音暉

其行如風

言疾

見則天下大風

又北二百里曰北嶽之山多枳棘剛木

檀柘之木

有獸焉其

狀如牛而四角人目彘耳其名曰諸懷其音如鳴鴈是

食人諸懷之水出焉而西流注于囂水其中多鮎魚

音詣

魚身而犬首其音如嬰兒

今海中有虎鹿魚及海狝體皆如魚而頭似虎鹿楮此其

類也食之已狂

又北百八十里曰渾夕之山無草木多銅玉囂水出焉

而西北流注于海有蛇一首兩身名曰肥遺見則其國

大旱

管子曰涸水之精名曰蝮一頭而兩身其狀如蛇長八尺以其名呼之可使取魚龜亦此類

又北五十里曰北單之山無草木多葱蒨

又北百里曰罷差之山無草木多馬

野馬也似馬而小

又北百八十里曰北鮮之山是多馬鮮水出焉而西北

流注于涂吾之水

漢元狩二年馬出涂吾水中也

又北百七十里曰隄山

或作隄古字耳

多馬有獸焉其狀如豹

而文首名曰猢

音么

隄水出焉而東流注于秦澤其中多

龍龜

凡北山經之首自單狐之山至于隄山凡二十五山五

千四百九十里其神皆人面蛇身其祠之毛用一雄鷄

瓊瘞吉玉用一珪瘞而不糝

言祭不用米皆埋其所用牲玉

其山北人

皆生食不火之物

或作皆生食而不火

北次二經之首在河之東其首枕汾

臨汾水上也音墳

其名曰

管涔之山

今在太原郡故汾陽縣北秀容山涔音岑

其上無木而多草其下

多玉汾水出焉而西流注于河

至汾陽縣北西入河

又西二百五十里曰少陽之山其上多玉其下多赤銀

銀之精也酸水出焉而東流注于汾水其中多美赭

管子曰山上有

赭者其

下多鐵

又北五十里曰懸雍之山

今在晉陽縣西名及窳雍音窳

其上多玉其

下多銅其獸多閭麋

閭即羴也似驢而歧蹄角如麋羊一名山驢周書曰北唐以閭亦見

鄉射禮

其鳥多白翟白鶻

即白鶻也音于六反

晉水出焉而東南流

注于汾水

東過晉陽南又東入汾

其中多鯀魚其狀如儵而赤鱗

小魚曰儵

其音如叱食之不驕

或作騷騷臭也

又北二百里曰狐岐之山無草木多青碧勝水出焉而

東北流注于汾水其中多蒼玉

又北三百五十里曰白沙山廣員三百里盡沙也無草

木鳥獸鮪水出于其上潛于其下

出山之頂
停其底也

是多白玉

又北四百里曰爾是之山無草木無水

又北三百八十里曰狂山無草木是山也冬夏有雪狂水出焉而西流注于浮水其中多美玉

又北三百八十里曰諸餘之山其上多銅玉其下多松柏諸餘之水出焉而東流注于旄水

又北三百五十里曰敦頭之山其上多金玉無草木旄水出焉而東流注于印澤其中多騂馬

音勃

牛尾而白身

一角其音如呼

又北三百五十里曰鈎吾之山其上多玉其下多銅有獸焉其狀如羊身人面其目在腋下虎齒人爪其音如

嬰兒名曰狍鴝是食人

為物貪惓食人未盡還害其身像在夏鼎左傳所謂饕餮者是

咆狍音

又北三百里曰北囂之山無石其陽多碧其陰多玉有獸焉其狀如虎而白身犬首馬尾鬣鬣名曰獨狝音有

鳥焉其狀如鳥人面名曰鷩鷩

般冒兩音或作夏也

宵飛而晝伏

鳩鷓
之屬

食之已暍

中熱也
音謁

涪水出焉而東流注于邛澤

又北三百五十里曰梁渠之山無草木多金玉脩水出

焉而東流注于鴈門

水名

其獸多居豎其狀如彙而赤毛

彙似鼠赤毛
刺猬彙音渭

如

其音如豚有鳥焉其狀如夸父

或作
舉父

四

翼一目犬尾名曰鬻其音如鵲食之已腹痛可以止衞

治洞下

也音洞

又北四百里曰姑灌之山無草木是山也冬夏有雪

又北三百八十里曰湖灌之山其陽多玉其陰多碧多

馬湖灌之水出焉而東流注于海其中多鮠

亦鱖魚字

有木

焉其葉如柳而赤理

又北水行五百里流沙三百里至于洄山其上多金玉
三桑生之其樹皆無枝其高百仞百果樹生之其下多
怪蛇

又北三百里曰敷題之山無草木多金玉是錞于北海
凡北次二經之首自管涔之山至于敷題之山凡十七
山五千六百九十里其神皆蛇身人面其祠毛用一雄

雞彘瘞

埋之

用一璧一珪投而不糝

禮玉於山中以禮神不埋之也

北次三經之首曰太行之山

今在河內野王縣西北行音戶剛反

其首曰

歸山其上有金玉其下有碧有獸焉其狀如麋羊而四

角馬尾而有距其名曰驪善還

還旋旋儻也驪音暉

其鳴自叫有

鳥焉其狀如鵲白身赤尾六足其名曰鵲

音犇

是善驚其

鳴自詖

今吳人謂呼為詖音呼交反

又東北二百里曰龍侯之山無草木多金玉泱泱之水

出焉

音訣

而東流注于河其中多人魚其狀如鯨魚四足

其音如嬰兒

鯀見山中經或曰人魚即鮪也似鮪而食四足聲如小兒啼今亦呼鮪為鯀音啼

之無癡疾

又東北二百里曰馬成之山其上多文石其陰多金玉

有獸焉其狀如白犬而黑頭見人則飛

言肉翅飛行自在

其名

曰天馬其鳴自叫有鳥焉其狀如烏首白而身青足黃

是名曰鷓鴣

屈居二音或作鳴

其鳴自設食之不飢可以已寓

未詳或曰寓猶誤也

又東北七十里曰咸山其上多玉其下多銅是多松柏

草多芘草條管之水出焉

管音閭

而西南流注于長澤其

中多噐酸三歲一成

所未詳也

食之已癘

又東北二百里曰天池之山其上無草木多文石有獸

焉其狀如兔而鼠首以其背飛

用其背上毛飛飛則仰也

其名曰飛

鼠澠水出焉潛于其下

停山底也

其中多黃堊

堊土也

又東三百里曰陽山其上多玉其下多金銅有獸焉其

狀如牛而赤尾其頸駢其狀如鈎瞿

言其頸上有玉駢鈎瞿斗也音劬

名曰領胡其鳴自該食之已狂有鳥焉其狀如雌雉而

五彩以文是自為牝牡名曰象蛇其鳴自設雷水出焉而南流注于河其中有鮠父之魚音其狀如鮒魚魚首而身食之已嘔

又東三百五十里曰賁聞之山其上多蒼玉其下多黃堊多涅石

又北百里曰王屋之山今在河東東垣縣北是多石澼

水出焉澼音而西北流注于泰澤地理志王屋山泆水所出澼泆聲相近殆

一水耳泆則濟也

又東北三百里曰教山其上多玉而無石教水出焉西

流注于河是水冬乾而夏流實惟乾河

今河東聞喜縣東北有乾河口

因名乾河里但有故溝處無復水即是也

其中有兩山是山也廣圓三百步

其名曰發丸之山其上有金玉

又南三百里曰景山

外傳曰景霍以為城

南望鹽販之澤

即鹽池也今在

河東猗氏縣或無販字

北望少澤其上多草諸蕪

根似羊蹄可食曙豫二音今江

南草呼為藟音儲語有輕重耳

其草多秦椒

子似椒而細葉草也

其陰多赭其陽

多玉有鳥焉其狀如蛇而四翼六目三足名曰駿與其

鳴自設見則其邑有恐

或曰食之不醉

又東南三百二十里曰孟門之山

尸子曰龍門未辟呂梁未鑿河出于孟門

之上大溢逆流無有邱陵高阜減之名曰洪水穆天子傳曰北升孟門九河之隘

其上多蒼玉

其下多黃堊多涅石

又東南三百二十里曰平山平水出于其上潛于其下

是多美玉

又東二百里曰京山有美玉多漆木多竹其陽有赤銅

其陰有玄礪

黑砥石也尸子曰如玄黃砥明色非一也礪音竹篠之篠

高水出焉南

流注于河

又東二百里曰虫尾之山其上多金玉其下多竹多青

碧丹水出焉南流注于河薄水出焉

淮南子曰薄水出鮮于山

而東

南流注于黃澤

又東三百里曰彭毗之山其上無草木多金玉其下多

水蚕林之水出焉

音早

東南流注于河肥水出焉而南流

注于牀水其中多肥遺之蛇

又東百八十里曰小侯之山明漳之水出焉南流注于

黃澤有鳥焉其狀如烏而白文名曰鵠鷓

姑習二音

食之不

澗

不睺目也或作澗音醜

又東三百七十里曰秦頭之山其水出焉

音恭

南注于虜

池

呼佗二音下同

其上多金玉其下多竹箭

又東北二百里曰軒轅之山其上多銅其下多竹有鳥

焉其狀如梟而白首其名曰黃鳥其鳴自設食之不妒

又北二百里曰謁戾之山

今在上黨郡洹縣

其上多松栢有金

玉沁水出焉南流注于河

至滎陽縣東北入河或出穀迷縣羊頭山也

其東

有林焉名曰丹林丹林之水出焉南流至于河嬰侯之
水出焉北流注于汜水

東三百里曰沮洳之山

詩云彼
汜沮洳

無草木有金玉漈水出

焉

音其

南流注于河

今淇水出汲郡隆慮縣大號
山東過河內縣南為白溝

又北三百里曰神囿之山

音如倉
囿之囿

其上有文石其下有

白蛇有飛蟲黃水出焉而東流注于洹

洹水出汲郡林
慮縣東北至魏

郡長樂入清
水洹音丸

滏水出焉而東流注于歐水

滏水今出臨
水縣西釜口

山經鄴西北至列人
縣入于漳其水熱

又北二百里曰發鳩之山

今在上黨郡
長子縣西

其上多柘木有

鳥焉其狀如烏文首白喙赤足名曰精衛其鳴自詒是

炎帝之少女名曰女娃

炎帝神農也
佳反語誤或作階

女娃遊于東

海溺而不返故為精衛常銜西山之木石以堙于東海

堙塞也

漳水出焉

濁漳
音章

東流注于河

或曰出長子縣鹿
谷山而東至鄴入

漳清

又東北百二十里曰少山

今在樂平郡沾縣
沾縣故屬上黨

其上有金

玉其下有銅清漳之水出焉東流于濁漳之水

清漳出
少山大

繩谷至武安縣南暴宮邑入于濁漳或曰東北至邑城入于大河也

又東北二百里曰錫山其上多玉其下多砥牛首之水出焉而東流注于滏水

又北二百里曰景山有美玉景水出焉東南流注于海澤

又北百里曰題首之山有玉焉多石無水

又北百里曰繡山其上有玉青碧其木多栒木中枚也音荀其

草多芍藥芎藭芍藥一名辛夷亦香草屬洧水出焉而東流注于河

其中有鱧

鱧似鮎而大白也

鼃

鼃鼃似蝦蟆小而青或曰雙鼃一物名耳

又北百二十里曰松山陽水出焉東北流注于河

又北百二十里曰敦與之山其上無草木有金玉潦水

出于其陽

音巷各反

而東流注于秦陸之水

大陸水今鉅鹿北廣平澤即其

水 泚水出于其陰

音抵肆也

而東流注于彭水

今泚水出中邱縣西窮泉

谷東注于堂陽縣入于漳水

槐水出焉而東流注于泚澤

又北百七十里曰柘山其陽有金玉其陰有鐵歷聚之

水出焉而北流注于洧水

又北三百里曰維龍之山其上有碧玉其陽有金其陰

有鐵肥水出焉而東流注于臯澤其中多礪石

未詳也
音雷或

作壘 礪壘大石
貌或曰石名

啟鐵之水出焉而北流注于大澤

又北百八十里曰白馬之山其陽多石玉其陰多鐵多

赤銅木焉之水出焉而東北流注于葶沱

呼陀
二音

又北二百里曰空桑之山無草木

上已有此山
疑同名也

冬夏有

雪空桑之水出焉東流注于滹沱

又北三百里曰秦戲之山無草木多金玉有獸焉其狀

如羊一角一目目在耳後其名曰棘棘

音屋棟之棟

其鳴自

叫虜沱之水出焉

今虜沱水出鴈門鹵城縣南武夫山

而東流注于淩水

音樓液女之水出于其陽南流注于沁水

液音悅澤之澤

又北三百里曰石山多藏金玉濩濩之水出焉

濩音尺蠖之蠖

而東流注于虜沱解于之水出焉而南流注于虜沱

又北二百里曰童戎之山臯涂之水出焉而東流注于

淩液水

又北三百里曰高是之山

今在北地靈邱縣

滋水出焉

音慈而南

流注于虜沱其木多棧其草多條澠水出焉

音寇

東流注

于河

過博陵縣南又東北入于易水

又北三百里曰陸山多美玉鄴水出焉

或作鄴水

而東流注

于河

又北二百里曰沂山

音祈

般水出焉

音盤

而東流注于河

北百二十里曰燕山多嬰石

言石似玉有符彩嬰帶所謂燕石者

燕水出

焉東流注于河

又北山行五百里水行五百里至于饒山是無草木多

瑤碧其獸多橐駝其鳥多鷗

未詳或曰鷗鵠鷗也

厯號之水出焉

而東流注于河其中有師魚食之殺人

未詳或作鮓

又北四百里曰乾山無草木其陽有金玉其陰有鐵而

無水有獸焉其狀如牛而三足其名曰獠

音元

其鳴自詘

又北五百里曰倫山倫水出焉而東流注于河有獸焉

其狀如麋其川在尾上

川竅也

其名曰羆

又北五百里曰碣石之山

水經曰碣石山今在遼西臨榆縣南水中或曰在右北平

驪城縣海邊山

繩水出焉而東流注于河其中多蒲夷之魚

未詳

其上有玉其下多青碧

又北水行五百里至于鴈門之山無草木

鴈門山即北陵西踰鴈之

所出因以名云在高柳北

又北水行四百里至于泰澤其中有山焉曰帝都之山

廣員百里無草木有金玉

又北五百里曰鐔于母逢之山北望雞號之山其風如

颶

颶急風貌也音庚或云飄風也

西望幽都之山浴水出焉

浴即黑水也

是

有大蛇赤首白身其音如牛見則其邑大旱

凡北次三經之首自太行之山至于于無逢之山凡四
十六山萬二千三百五十里其神狀皆馬身而人面者
廿神其祠之皆用一藻菹瘞之
藻聚藻菹香草蘭之類音昌代反其十
四神狀皆彘身而載玉其祠之皆玉不瘞
不理所用玉也其十
神狀皆彘身而人足蛇尾其祠之皆用一璧瘞之大凡
四十四神皆用稌糝米祠之此皆不火食

右北經之山志凡八十七山二萬三千二百三十里

山海經卷三

謹案一卷第一頁後二行其光照地刊本地訛也
據廣注改又後五行見京房易刊本見訛其今
改

第二頁前八行其音如謠刊本音訛首據釋義改
卷二第一頁後六行詩含神霧刊本詩訛時今改
第二頁前三行頭綠刊本綠訛線今改

第十一頁後三行縝密以栗栗或作栗刊本以栗
訛似栗栗或作栗栗栗二字倒置並據釋義改

第十三頁後二行淫音遙刊本遙下訛增也字今

刪

第十六頁前三行因號軒轅丘刊本丘下訛增洵

字今刪

第十七頁後四行神耆童居之刊本耆訛者據廣

注改

卷三第一頁後三行其中多水馬刊本馬訛焉據

廣注改

第三頁後二行多蔥葵韭刊本葵作登據釋義及
廣注改

第四頁前四行其狀如雉刊本闕雉字據廣注補
第五頁前七行天問刊本問訛門今改

第十一頁後七行漣沆聲相近刊本脫近字據廣
注增

第十八頁前五行有金玉刊本作玉金據釋義及
廣注改

欽定四庫全書



總校官庶吉士

臣

侍

朝

校對官中書

臣

石鴻燾

謄錄監生

臣

劉宗望

欽定四庫全書薈要

史部

山海經卷四

詳校官編修巨繆晉



欽定四庫全書會要卷七千五百九十七

史部

山海經卷四

晉 郭璞 註

東山經

東山經之首曰檄蠹之山

速朱二音

北臨乾昧

亦山名也音妹

食水

出焉而東北流注于海其中多鱮鱮之魚

音容

其狀如犂

牛

牛似虎文者

其音如埴鳴

又南三百里曰鼃山

音誅

其上有玉其下有金湖水出焉

東流注于食水其中多活師

科斗也爾雅謂之活東

又南三百里曰枸狀之山其上多金玉其下多青碧石

有獸焉其狀如犬六足其名曰從從其鳴自設有鳥焉

其狀如雞而鼠毛其名曰蜚鼠

音若

見則其邑大旱泆水

出焉

音積

而北流注于湖水其中多箴魚其狀如儻其喙

如箴

出東海今江東水中亦有之

食之無疫疾

又南三百里曰勃絲之山無草木無水

又南三百里曰番條之山無草木多沙減水出焉

音同減損

減之北流注于海其中多鱖魚一名黃頰音感

又南四百里曰姑兒之山其上多漆其下多桑柘姑兒之水出焉北流注于海其中多鱖魚

又南四百里曰高氏之山其上多玉其下多箴石

可以為砥

針治癰腫者諸繩之水出焉東流注于澤其中多金玉

又南三百里曰嶽山其上多桑其下多檇樂水出焉

音樂

東流注于澤其中多金玉

又南三百里曰材山其上無草木其下多水其中多堪

予之魚

未詳音序

有獸焉其狀如夸父而撮毛其音如呼見

則天下大水

又南三百里曰獨山其上多金玉其下多美石末塗之

水出焉而東南流注于沔其中多倮螭

倮音條容

其狀如黃

蛇魚翼出入有光見則其邑大旱

又南三百里曰泰山

即東嶽岱宗也今在泰山奉高縣西北從山下至頂四十八里三百

步也其上多玉其下多金有獸焉其狀如豚而有珠名曰

狢狢

音如吟桐之桐

其鳴自訐環水出焉東流注于江

一作海

其

中多水玉

又南三百里曰竹山鑄于江

一作涯

無草木多瑤碧激水

出焉而東南流注于娶檀之水其中多茈羸

凡東山經之首自檄蠹之山以至于竹山凡十二山三

千六百里其神狀皆人身龍首祠毛用一犬祈聃用魚

以血塗祭為聃也公羊傳云蓋叩其鼻以聃社音鈎餌之餌

東次二經之首曰空桑之山

此山出琴瑟材見周禮也

北臨食水東

望沮吳南望沙陵西望潁澤

音是

有獸焉其狀如牛而虎

丈其音如欽

或作吟

其名曰幹幹

音靈

其鳴自叫見則天下

大水

又南六百里曰曹夕之山其下多穀而無水多鳥獸

又西南四百里曰嶧臯之山音亦其上多金玉其下多白

聖嶧臯之水出焉東流注于激女之水其中多蜃玼

蜃蚌

也玼玉玼亦蚌屬隋遙兩音

又南水行五百里流沙三百里至于葛山之尾無草木

多砥礪

又南三百八十里曰葛山之首無草木澧水出焉

禮音東

流注于余澤其中多珠螿魚

音鼈

其狀如肺而有目六足

有珠其味酸甘食之無癘

無時氣病也

呂氏春秋曰澧水之魚名曰朱螿六足有珠

魚之美也

又南三百八十里曰餘峩之山其上多梓柎其下多荆

芑雜余之水出焉東流注于黃水有獸焉其狀如菟而

鳥喙鷓目蛇尾見人則眠

言佯死也

名曰玃狻

仇餘二音

其鳴自

訛見則蝥蝗為敗

蝥蝗類也言傷敗田苗音終

又南三百里曰杜父之山無草木多水

又南三百里曰耿山無草木多水碧

亦水五類

多大蛇有獸

焉其狀如狐而魚翼其名曰朱孺

音儒

其鳴自叫見則其

國有恐

又南三百里曰盧其之山無草木多沙石沙水出焉南

流注于涿水其中多鸛鵙

音黎

其狀如鴛鴦而人足其鳴

自訶見則其國多土功

今鞮胡足頗有似人脚形狀也

又南三百八十里曰姑射之山無草木多水

又南水行三百里流沙百里曰北姑射之山無草木多石

又南三百里曰南姑射之山無草木多水

又南三百里曰碧山無草木多大蛇多碧水玉

又南五百里曰維氏之山無草木多金玉原水出焉東

流注于沙澤

一名俠氏之山

又南三百里曰姑蓬之山無草木多金玉有獸焉其狀

如狐而有翼其音如鴻鴈其名曰獬獬

音覽

見則天下大

旱

又南五百里曰鳧麗之山其上多金玉其下多箴石有

獸焉其狀如狐而九尾九首虎爪名曰螻姪龍姪二音其音

如嬰兒是食人

又南五百里曰磈山音一真反南臨磈水東望湖澤有獸焉

其狀如馬而羊目四角牛尾其音如犂狗其名曰筱筱

音筱見則其國多狡客狡狡猶也有鳥焉其狀如鳧而鼠尾善

登木其名曰絜鈎見則其國多疫

凡東次二經之首自空桑之山至于礪山凡十七山六

千六百四十里其神狀皆獸身人面載觿

麋鹿屬角為觿音格

其

祠毛用一雞祈嬰用一璧瘞

又東次山經之首曰尸胡之山北望殫山

音詳

其上多金

玉其下多棘有獸焉其狀如麋而魚目名曰嬰胡

音婉其

鳴自訃

又南水行八百里曰岐山其木多桃李其獸多虎

又南水行五百里曰諸鈞之山無草木多沙石是山也

廣員百里多寐魚

即鮭魚
音味

又南水行七百里曰中父之山無草木多沙

又東水行千里曰胡射之山無草木多沙石

又南水行七百里曰孟子之山其木多梓桐多桃李其

草多菌蒲

未詳音
晒之暍

其獸多麋鹿是山也廣員百里其

上有水出焉名曰碧陽其中多鱣鮪

鮪即鱣也似鱣而
長鼻體無鱗甲別

名鮪鱣一
名鱣也

又南水行五百里曰流沙行五百里有山焉曰跂踵之

山音廣員二百里無草木有大蛇其上多玉有水焉

廣員四十里皆涌

今河東汾陰縣有冀水源在地底湧沸涌出其深無限即此類也

其

名曰深澤其中多蠃龜

蠃青蠃大龜也甲有文彩似璆瑋而薄音遺知反

有魚

焉其狀如鯉而六足鳥尾名曰鯨鯨之魚音其鳴自叫

又南水行九百里曰踰隅之山

音敏

其上多草木多金

玉多赭有獸焉其狀如牛而馬尾名曰精精其鳴自叫

又南水行五百里流沙三百里至于無皐之山南望

海

即少海也淮南子曰東方大渚曰少海

東望博木

扶桑

無草木多風是

山也廣員百里

凡東次三經之首自尸胡之山至于無臯之山凡十九山
六千九百里其神狀皆人身而羊角其祠用一牡羊米
用黍是神也見則風雨水為敗

又東次四經之首曰北號之山臨于北海有木焉其狀
如楊赤華其實如棗而無核其味酸甘食之不瘡食水
出焉而東北流注于海有獸焉其狀如狼赤首鼠目其
音如豚名曰獨狙

葛首
二音

是食人有鳥焉其狀如雞而白

首鼠足而虎爪其名曰鼯

音祈

雀亦食人

又南三百里曰旄山無草木蒼體之水出焉而西流注

于展水其中多鱣魚

今蝦鱮字亦或作鱣秋音

其狀如鯉而大首食

者不疣

又南三百二十里曰東始之山上多蒼玉有木焉其狀

如楊而赤理其汁如血不實其名曰芑

音起

可以服焉

以汁

塗之則馬調良

泚水出焉而東北流注于海其中多美貝多芘

魚其狀如鮒一首而十身其臭如蘘蕪食之不糲

字謂反止

失氣也

又東南三百里曰女烝之山其上無草木石膏水出焉而西注于鬲水其中多薄魚其狀如鱸魚而一目其音如歐

如人嘔吐聲也

見則天下大旱

又東南二百里曰欽山多金玉而無石師水出焉而北流注于臯澤其中多鱖魚多文貝有獸焉其狀如豚而有牙其名曰當康其鳴自叫見則天下大穰

又東南二百里曰子桐之山子桐之水出焉而西流注

于餘如之澤其中多鰓魚音滑其狀如魚而鳥翼出入有光其音如鴛鴦見則天下大旱

又東北二百里曰剡山多金玉有獸焉其狀如玃而人面黃身而赤尾其名曰合窳音庾其音如嬰兒是獸也食

人亦食蟲蛇見則天下大水

又東二百里曰太山上多金玉楨木女楨也葉冬不凋有獸焉

其狀如牛而白首一目而蛇尾其名曰蜚音如翡翠之翡行水

則竭行草則死見則天下大疫言其體含災氣也其銘曰蜚之為名體似無害

所經枯竭甚於鵠厲
萬物斯懼思爾遐逝
鈎水出焉而北流注于勞水其中

多鱖魚

凡東次四經之首自北號之山至于太山凡八山一千七百二十里

右東經之山志凡四十六山萬八千八百六十里

山海經卷四